

MAKIZINAN MNAADENJIGAN



Temigadon zhiwe
Minoododaadiwin
(aajikinigan 228) zhiwe owi
Gimaawin Wiigwaam, owi
Makizinan Mnaadenjigan
minadenjigaaziwog gewe
binoojiinig gaawii wiikaa
agaa digoshiziwaad
endaawaad onji
maamowidaang enji
gikinomaage gamigoon.

MAKIZINAN MNAADENJIGAN



Apii Zaagibagaa miinwaa Odemini Giizis 2021, nanaadawi gikenjigewinan agii nikaazam aki-zhaabosemigag biindigewesing agii makaanaa woshme midaaswi shi nigodwaag gikinwaajichigaadesinag nigokiiwinan jiigiwiin newin gete Anishinaabe Maamwidaang enji Gikinoomaading Wiigwaaman odi British Columbia, Saskatchewan miinwaa Manitoba. Ninda makigewinan agii maanaadendimiwaawoog bemaadizijig miinwaa agii aanji maajitaamigad babaamendamang owi maji-dodamowin agaa moozhitowaad niibna aanke bimaadizijig gewe Giizhaa Agaa Yaajig binoojiinig zhiwe Gaanada ado Anishinaabe Maamwidaang enji gikinoomaading wiigwaam zhichigewinan.

Owi wiindamaagewin newen agaa makigaademigag agii swebidemigag, Canadians onji miziwe kiiminaa agii waabmdowemigag owi gichi miigweng aasgaabiwitaagewin, aanin gikendamowaad baijinag owi gwayaakwaajimowin newen Maamwidaang enji Gikinoomaading Wiigwaaman. Gewe gichi niibna bemaadizijig debwewin agii aawon zhaazhigwa agaa gikendamowaad. Mnaadenjiganan agii maajiishkaamigadoon miziwe inakaanewizin, e'digosing niigan owi Ontario Gimaa Gamig odi Queen's Park. Bemaadizijig agii tonaa-aan makizinan, daminowinan miinwaa zhibiigewinan awii waabmdowemigad ado maanaadenadowiniwaa miinwaa gidamaagenjigewin

neniish gwa gewe binoojiinig miinwaa agaa zhaabwiijig. Ninda mnaadenjiganan agii ani aawinon gikiniwaajichigan newen Anishinaabe Maamwidaang enji Gikinoomaading Wiigwaaman miinwaa gewe binoojiinig gaawii wiikaa agaa ani giivesiwaad endaawaad newen ado inodewiziwiniwaan.

Gichi niibna giizhigag miinwaa namegiizhigadoon, owi mnaadenjiganan odi Ontario Gimaaanwin agii maajiigin onji woshme bigidinigewinan agii aankesijigaademigag. Agii temigadoon zhiwe gaawii daanginigaadesiinag owi epiichi niibing agii ani aawong digwaagig miinwaa ani biboong. Awi ginowenjigaademigag owi mnaadenjiganan woshme ani maanaanji zhiwebak, owi Gimaa Gamig Ogimaa-ig (owi ginonigaaziwaad gewe Giizhaa Agaa Yaajig naagaanzijig) agii giizhendamog awii maajiijigaademigag newen makizinan miinwaa bagidinigewinan biindig wiigwaaming zhiwe weweni agenji ginowenjigaademigag miinwaa zigakinigaademigag. Shkwaa giizhiitaang owi zigankinigaademigag nankiiwin, Owi Makizinan Mnaadenjiganan, gaagige naagochigaawin miinwaa zaagiwitowin gewe onji binoojiinig, agii giizhichigaademigad apii Baashkaakidin-giizis 2022 aawong e'digotemigag owi Enji Mamaamowiyaang waabandowewin owi Ontario Giizhaa Agaa Yaajig zhichiganan endaamigag odi Gimaa Gamig.



MAKIZINAN MNAADENJIGAN

OWI

Digokizigaademigag owi waagaamitig awii gikinwaajitigaadeg miikaans, owi mnaadenjigan waabmdowemigad owi bimasewin gewe binoojiinig gaawii agaa biskaabiisiwaad endaawaad eni maajiidowaad odi jichaagoong. Newen mawaanjichiganan zhiwe mnaadenjiganing zhisinooon epigishimag nikiiyaa, owi nikiiyaa giizis bagishing miinwaa owi nikiiyaa kina giiniwi ani nigadamang owi wiiyo bimaadiziwin. Owi miikaans age gikinwaajitaagemigad owi maamowi zhaaying owi debwewin miinwaa mina ginoondiwin. Miinwaa age owi minaadenjigaaziwaad gewe binoojiinig, inodewiziwinag miinwaa odenwinan agaa madookidaagiwaad newen Anishinaabe Maamwidaang enji Gikinoomaading Wiigwaaman, owi mnaadenjigan gdo mikowaamigonaa gaawii wiikaa gdaa nendizinaa awii giigidawing miinwaa gikinomaagewing owi debwewin ani bimasewing owi miikaans maamowi noojimo-ing. Amii goweta weweni naanaangidowendamang miinwaa doodamang gdaa maajitaami niigaan ani zhaaying.




ANISHINAABE MAAMWIDAANG ENJI GIKINOOMAADING WIIGWAAMAN SHKWE- AANG AGAA ZHIWEBAK

MOOKAAJIMOWIN

Woshme nigodwaag nisa biboon Anishinaabe Maamwidaang enji Gikinoomaading Wiigwaaman agii aawon zhichigewin owi odaapinigaazijig maamowi daawinan agaa maajiishkaachigaademigag gewe Giizhaa Agaa Yaajig (Anishinaabe, Wiisaakode miinwaa Eshkiimewi) binoojiinig. Agii dibagaadenon miinwaa bamibidechigaadenon owi Gimaa Gamig maampii Gaanada wiiji nakiinjigaaziwaad name gamgoon, owi newen shkwaach gikinomaage gamgoon gibaakogaademigag 1990's agii aawong. Agii tenoon 139 gichi gimaa bamibidechigaademigag maampii Gaanada, miinwaa aanin yaa-aabi maamowidaang enji gikinoomaading wiigwaaman gaawii agaa debinaziwaad gichi gimaa zhoonyaa. Megwaach gwa 150,000 Giizhaa Agaa Yaajig binoojiinig agii zhaawog newen gikinomaage wiigwaaman.

MAAMWIDAANG ENJI GIKINOOMAADING WIIGWAAMAN ZHIWE ONTARIO

Ontario agii ayaanan 18 Anishinaabe Maamwidaang enji Gikinoomaading Wiigwaaman agaa dibagaademigag gewe gichi gimaa maage nigonigaaziwin gimaawinan woshme gwa 163 biboon. Owa Naadowe Gamig Maamwidaang enji Gikinoomaading Wiigwaaman odi Brantford agii aawan memaanji wiiba agaa nisaakinigaademigag, apii 1828, miinwaa agii azhaawog 15,000 ekinomaagaazijig epiichi bamibidemigag jibwaa gibaakogaademigag apii 1970. Owi Stirlan Minis Aanke-gikinomaage Gamig (Wahbon Wiikwe-aag Wiigwaam) agii aawon shkwaaj agaa gibaakogaademigag, apii 1991.



Woshme gwa 400 binoojiinig agii dinenjigaaziwog agii nibowaad epiichi zhaawaad zhiwe gikinomaage gamgoon, owi gikenjigaadesinag minik yaa-aabi nyaadiziwaad miinwaa gaawii gikenjigaadesinag agaa zhiwebiziwaad. Midaaswi shi niish temigag newen gaawii e'kinowaajichigaadesinag nigogewinan agii waawiinjigaadenon zhiwe kiinsing, owi Ontario gimaa gamig kidiwaad megwaach gwa woshme ayaa-aabi tenoon.



MEWIZHA AGAA ZHIWEBAG DIBAAJIMOWIN

Maamowidaang enji gikinoomaading agii aawon gichi aawong owi miziwe kiing gichi gimaa ado inaakinigewin awii digosijigaaziwaad miinwaa Namewin naagidowaad Giizhaa Agaa Yaajig bemaadizijig. Owi bimigaaziwaad binoojiinig onji ado inodewiziwiniwaan miinwaa endinakiwaad odenwinan, bashazhegaaziwaad owi giigidowaad owi Giizhaa Agaa Yaaji iniwewinan, miinwaa nigaazijigaaziwaad zhichigewaad ado Anishinaabe manidokewin, inaadiziwin, miinwaa mawaanjidiwin naagijigewinan, maamowidaang enji gikinoomaading wiigwaaman agii gajitonaa-aa awii nigotowaad newen binoojiinig Giizhaa Agaa Yaajig ayaawiwaad.

Mewizha agaa zhiwebak gekendang John Milloy maakibii-
aan owi gichi gnesh agaa zhiwebak owi maamowidaang enji
gikinoomaadiwin wiigwaam zhichigewin “maakibiigaademigad
owi aabaji nagadaawaso miinwaa goopajichigaaziwaad
binoojiinig.” Maamowidaang enji gikinoomaading wiigwaaman
agaa zhaabwiiijig agii dibaataanaa-aa gichi maji doodamowinan
miinwaa bashigendamowaad wiisigaapinajigewin gewe
gikinomaage wiigwaaming enkiitaagejig e’digotemigag aakwaaji
bishazhegewinan, bakadewin, miinwaa gaawii tesinag mina
yaawin naagidowenjigewin, miinwaa age gichi baatiinag wiyaw,
mazhiwe, miinwaa inendamowin gopajichigewin. Maanda
gapajichigewin, aagiwiitosing owi wiisgendamowin bakebinindwaa
ado inodewiziwiniwaan, odeniwiniwaan, miinwaa inaadiziwiniwaan,
gagwaadagitoowin yaamiwaad niibna maamowidaang enji
gikinoomaading wiigwaaman agaa zhaabiwiiijig miinwaa agii
miigwemigad aanke bimaadizijig godagitooyendamowin owi ado
inodewiziwiniwaan miinwaa odeniwiniwaan.

CANADIAN MAAMWIDAANG ENJI GIKINOOMAADING WIIGWAAMAN GIIZHIKIGAADEG BEZHIGWENDAMOWIN

Owi 2006 Anishinaabe Maamwidaang enji Gikinoomaading
Wiigwaaman Giizhiikigaadeg Bezhigwendamowin – owi memaanji
michaag maamowi yaang dikonigewin giizhiikigewin owi
Canadian bimaadiziwin – agii nakwetaan owi nagajigewin newen
Anishinaabe maamwidaang enji gikinoomaading wiigwaaman owi
dibagese dibagewin gewe agaa zhaabiwiiijig, zhichigewinan awii
aasgaabiwichigaademiag noojimowin gewe agaa zhaabiwiiijig,
minaadenjigewin nankiiwinan, miinwaa maajitaachigaademigag
owi Debwewin miinwaa Mina Ganoondiwin Anookiiwin.

Mazinaaziigan: All Saints Anishinaabe Maamowidaang Gikinomaading Gamig, 1945
Maziniganan Enji Ginowenjigaadeg miinwaa Zigakinigaadeg Wiigwaam Gaanada

DEBWEWIN MIINWAA MINA GANOONDIWIN ANOOKIIWIN (TRC)

Owi Anishinaabe Maamwidaang enji Gikinoomaading Wiigwaaman Debwewin miinwaa Mina Ganoondiwin Anookiiwin agii maajiishkaachigaademigad apii 2008 awii zhibiigaademigag miinwaa zigakinigaademigag owi agaa zhiwebak newen maamwidaang gikinomaage gamgoon miinwaa agaa zhiwebiziwaad age agaa zhaabiwijig. Owi TRC ado nigodwaaswi minik maziniganan ekwaa wiindamaagewin agii mazinaakizigaademigad apii 2015 miinwaa agii zhichigaadenon gegaa ningodwaak giikimigewinan (Gagwedwewin awii Bimaakiwiing) awii naadmaageng debinigaademigag mina ganoondiwin biitwi Giizhaa Agaa Yaajig bemaadizijig miinwaa bekaanizijig Canadians.

NYAADIZIJIG BINOOSIINIG MIINWAA GAAWII GIKINIWAAJICHIGAADESINAG NIGOKAANAN

Owi Debwewin miinwaa Mina Ganoondiwin Anookiiwin agii wiindamaagemigad gewe binoojiinig zhiwe maamowidaang enji gikinoomaading wiigwaaman "agii nibowog woshme gichi niibna dash gewe skooniwiwaad-epiitizijig zhiwe maamowi bemaadizijig". Bekidejig binoojiinig e'yaanziwaad debisemigag mina yaawin naagidowenjigewin miinwaa zaam niibna binoojiinig maamowi yaawaad, miinwaa waaninaagwog ayaawaad wenipaniziwaad awii debinamiwaad ososodamwaapinewin miinwaa aanin bkaan aakozowinan agaa zhiibaabidemigag zhiwe gikinomaading wiigwaaman bwaa naagizowaabmjigaadeg. "Niibna agaa gikinomaagaazijig agaa zhaajig maamwidaang gikinomaading wiigwaaman gaawii agii biskaabiisiwog," owi TRC agii bimaakibii-ang. Inodewiziwinag gagwech gaawii agii wiindamowaaziwog apii ado binoojiinmiwaan agii gichi aakozinid, maage agaa gajibowewaad, maaga agaa nibojig.

